



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : YING WA GIRLS' SCHOOL

**學校名稱** : 英華女學校

**Name of Play 劇名** : 深水情緣

**Script writer 劇作者** : 胡喜童、吳家希、楊彥鈴

**Synopsis 故事大綱：**

在深水埗開業已數十年的甜品鋪<張記>，深受街坊歡迎，是眾人閒來聚首的地方，大家都建立了一份深厚友誼，但隨時張伯年紀漸大，新舊兩代人的經營手法不同，加上經營環境困難，未能與時並進，最終<張記>能否繼續服務街坊呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**第一場**

角色：Anna、張伯、華仔、英姐、食客 ABC

(糖水鋪裏的夥計都七手八腳地準備開鋪，張伯一如既往地面掛笑容，精神奕奕地跟員工們打招呼。)

英姐：(英姐在邊抹碗邊說)啊！呢個華仔，呢個鐘數都仲未見人，成日都係咁，明知鋪面得我一個架啦，就開鋪架啦嗎，影都唔見，咁大個人啦，仲係無厘搭嚟。

華仔：(尷尬出現)搞錯! 激死我，我搭個架巴士中途故障，要我落車再等新一架巴士。垃圾巴士，浪費我青春，害我遲到！真係豈有此理！

英姐：(同步華仔的說話)……浪費我青春，害我遲到！真係豈有此理……，你呀！，下次可唔可以度過啲新嘢呀？我識背啦。

華仔：(尷尬)嘻！一時瞓過嚟啫……

英姐：瞓過嚟，尋晚又通宵打機呀？作屎呀你！快啲開工啦！

華仔：哦！

英姐：(精神)張伯！你返黎喇？

張伯：(微微一笑)係啊，英姐。

英姐：就開得鋪架啦，你坐下先啦。

張伯：好呀好呀！有你同華仔係度，我放心晒。

英姐(旁白)：噏！呢個就係我地<張記>糖水鋪嘅老闆張伯。呢間糖水鋪已經係六十年代初開業到依家，已經有 40 年歷史喇！唔好睇張伯佢一把年紀啊，其實佢依然神采飛揚，將間糖水鋪管理得好好㗎。

華仔：午安啊，張伯。

張伯：係呀華仔。

華仔：啲野都準備得七七八八喇，而家淨返 20 分鐘等開鋪。

張伯：好~好，辛苦曬喇。(橫看四周) 咦？點解唔見霞姐嘅？

華仔：哦~ 佢要參加同鄉嘅婚禮呀嘛，佢上個星期唔係同你請咗假咩？

張伯：(恍然大悟，拍頭一下)係喎~唉，年紀大咗就成日都唔記得嘢。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

張伯：(看到鋪門前已經有人等緊) 出面咁多客人等緊嚟，而家天氣凍。不如我哋早啲開鋪，比佢地入嚟坐下，休息下吓嘛。

(員工們開鋪,拉開大門,招呼顧客入內入座。)

華仔：(面向 Anna)哦！咁我而家去開門啦，(客入進)！

張伯：大家好，隨便坐呀，睇下想食啲乜嘢。

何太：一個蓮子雞蛋糖水。

華仔：(向廚房叫去)一碗蓮子雞蛋。

陳太：一碗綠豆沙。

華仔：(向廚房叫去)一個綠。

(客人碌碌續續進入甜品店，有一戴上墨鏡的少女也坐下，並點了一碗甜品。)

Anna：(一女子坐下，向著張伯面帶笑容) 呢度有無熱咖啡呀？

張伯：呀！咖啡，無嘞，我哋呢度食糖水架咋，有紅豆沙綠豆沙……

Anna：Grandpa！I’ m back！（衝過去抱著張伯）

張伯：(愕然) 你...係邊個啊？

Anna：(抬頭看著爺爺) 爺爺...你唔記得我喇...我係 Anna 啊！

英姐(旁白)：呢個就係張伯既孫女小豆，洋名就 Anna，不過三年前佢就去咗倫敦留學。張伯佢盼星星，盼月亮，都盼唔到佢(放暑假)返嚟嘅一日。

張伯：(扶一扶眼鏡，發出啊一聲) 哎呀！小豆，點解返左黎都唔同爺爺講啊！（激動）成個人唔同曬嘞，爺爺我都差啲唔認得你啊，(今次放暑假要住耐啲呀)。

Anna：俾個 surprise 你啊嘛（鄒眉）仲有啊爺爺，唔好再叫我小豆啦，我已經大個女喇，叫返我 Anna 啦。

張伯：(雙手放在背後 慈祥地笑笑) 係喇係喇...等我整返碗糖水俾你食下啦。(把手輕輕放在 Anna 背上，拉開一旁的椅子) 坐低等等啦，好快整好嘞啦。

張伯：(轉了身、沒有看見 Anna 厭棄的樣子) 小豆冇食我整嘅糖水咁多年，一定好掛住我啲糖水喇...(邊走邊講，聲綫漸弱)

(Anna 略帶厭棄地坐在凳子上。)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(華仔看了一眼過來，笑著搖搖頭。)

(店裏漸漸變得多人 Anna 因覺得陌生而感到不自在，在旁邊玩起手機來)

Anna：(托著頭，細聲說) 唉...我想食件 cheesecake 同飲 Latte 多啲。

(Anna 抬頭看著拿著兩碗糖水嘅爺爺)

張伯：(捧著碗糖水想著 Anna 走去) 熱辣辣嘅紅豆沙黎喇！(放下) 小心熱啊！

Anna：(望著爺爺) 得啦得啦，你忙你嘅野啦。(托著頭，用湯匙搞動糖水)

張伯：(將糖水給一號桌食客) 你嘅紅豆沙，我特登加料畀你吖，睇下幾大碗。

(Anna 抬頭看爺爺。)

何太：嘩真係好足料呀，咁多蓮子嘅，唔該曬阿張伯。

張伯：(笑著擺了擺手) 你成日黎幫襯，我多謝返你先真。咁你慢慢食啦。

陳太：(擺手) 吾該賣單啊。

張伯：多謝你 27 蚊啊。

陳太：(望銀包搵錢) 好，嗯? 啊...唔好意思, 我原來剩返 25 蚊咋。(不知所措)

張伯：唉~ 唔緊要啦，一場街坊，一兩蚊啫。(微笑與食客道別)

Anna：(搖頭、嘆氣) 咁樣做生意點得㗎...

Anna：(抱怨) 爺爺啊！你咁樣唔得㗎。先唔講啲糖水賣到咁平，你仲要畀佢哋賒數。

不如加價啦...

(張伯停了手頭上的工作，轉身看向孫女。)

張伯：(語重心長) 咁就梗係唔得啦，而家生活艱難啊，我仲點可以向啲街坊加價，為咗賺多一兩蚊而加重街坊嘅負擔呢。

Anna：但係...

何太：埋單。

張伯：(揮了揮手) 哦，嚟啦.....好喇，好喇。爺爺要招呼客人，你坐埋一邊等先啦。

Anna：唔係 le...爺爺啊...(踏前一步)

(突然被一把聲音打斷)

華仔：張伯！我聽日大約會遲兩個鐘頭到啊，唔好意思啊哈！



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

張伯：得啦得啦！我明嘎啦...你放心做你嘅野啦，遲多少少都有相干架。

張伯：(驚訝、不能理解) What.....兩個鐘/two hours？！

Anna：(拉著爺爺的手) 爺爺！你點可以咁縱容啲員工架...

張伯：(不耐煩) 爺爺自己有分數啦...你乖乖地坐低飲埋碗紅豆沙啦。

(Anna 帶着不忿)

Anna：(氣餒，煩躁) 點算好呢？都唔聽人講嘅，...鋪頭真係會蝕唔少個啲 (突然腦中靈光一閃, 兩眼放光睜大) 啊！不如.....！（帶點狡黠的微笑）

<第一場結束>